

**ШИНЭ ЗУУНМОД ХОТЫН ЭРХ ЗҮЙН БАЙДЛЫН ТУХАЙ ХУУЛИЙН ТӨСӨЛ
БОЛОН ХАМТ ӨРГӨН МЭДҮҮЛСЭН ХУУЛЬ, УЛСЫН ИХ ХУРЛЫН ТОГТООЛЫН
ТӨСЛҮҮДИЙН АНХНЫ ХЭЛЭЛЦҮҮЛГИЙГ ЯВУУЛСАН ТАЛААРХ ТӨРИЙН
БАЙГУУЛАЛТЫН БАЙНГЫН ХОРООНЫ САНАЛ, ДҮГНЭЛТ**

2024 оны 05 дугаар
сарын 24-ний өдөр

Улаанбаатар
хот

Илтгэгч: Улсын Их Хурлын гишүүн Ц.Мөнхцэцэг

Улсын Их Хурлын дарга, эрхэм гишүүд ээ,

Монгол Улсын Засгийн газраас 2024 оны 05 дугаар сарын 01-ний өдөр Улсын Их Хуралд өргөн мэдүүлсэн Шинэ Зуунмод хотын эрх зүйн байдлын тухай хуулийн төсөл болон хамт өргөн мэдүүлсэн хууль, Улсын Их Хурлын тогтоолын төслүүдийн хэлэлцэх эсэх асуудлыг Улсын Их Хурал 2024 оны 05 дугаар сарын 03-ны өдрийн нэгдсэн хуралдаанаар хэлэлцэж, анхны хэлэлцүүлэгт бэлтгүүлэхээр Төрийн байгуулалтын байнгын хороонд шилжүүлсэн билээ.

Улсын Их Хурлын даргын 2024 оны 05 дугаар сарын 03-ны өдрийн 69 дүгээр захирамжаар Улсын Их Хурлын гишүүн Н.Учралаар ахлуулан, Улсын Их Хурлын гишүүн Э.Бат-Амгалан, Ж.Батжаргал, Б.Баттөмөр, Г.Дамдинням, Т.Доржханд, Ц.Мөнх-Оргил, Ц.Мөнхцэцэг, С.Одонтуяа, Г.Тэмүүлэн нарын бүрэлдэхүүнтэйгээр төслийг Байнгын хороо болон чуулганы нэгдсэн хуралдаанаар хэлэлцүүлэх бэлтгэл хангах үүрэг бүхий ажлын хэсгийг байгуулж, Ажлын хэсэгт мэргэжил, арга зүйн туслалцаа үзүүлэх, мэдээллээр хангах чиглэлээр холбогдох мэргэжлийн хүмүүсийг оролцуулан ажилласан.

Төрийн байгуулалтын байнгын хороо 2024 оны 05 дугаар сарын 24-ний өдрийн хуралдаанаараа дээрх хууль, тогтоолын төслүүдийн анхны хэлэлцүүлгийг явуулахдаа Монгол Улсын Их Хурлын чуулганы хуралдааны дэгийн тухай хуулийн 39 дүгээр зүйлд заасны дагуу хууль, тогтоолын төслүүдийг зүйл бүрээр нь хэлэлцсэн болно.

Ажлын хэсгийн дэмжсэн Шинэ Зуунмод хотын эдийн засгийн тэргүүлэх чиглэлд олон улсын банк, санхүүгийн үйл ажиллагааг тусгаж, хотын эдийн засгийн чадавхыг бэхжүүлж, хөрөнгө оруулалт, санхүүжилтийн хэрэгцээг хангах зорилгоор олон улсын санхүүгийн төв байгуулах, хотын бүтээн байгуулалтын хугацаанд хотын Захирагчийг нийслэлийн Засаг даргын санал болгосноор Засгийн газар томилж, чөлөөлөх зэрэг нийт 10 зарчмын зөрүүтэй санал, найруулгын 8 санал, хамт өргөн мэдүүлсэн хууль, Улсын Их Хурлын тогтоолын төслийн талаар 6 зарчмын зөрүүтэй санал гаргасныг хуралдаанд оролцсон гишүүдийн олонх дэмжсэн болно.

Байнгын хорооны хуралдаанаар хууль, Улсын Их Хурлын тогтоолын төслүүдийг хэлэлцэх үед асуулт асууж, үг хэлсэн гишүүн гараагүй болно.


Байнгын хороо ажлын хэсгээс гарсан зарчмын зөрүүтэй саналын томьёоллыг нэг бүрчлэн хэлэлцэж, санал хураалт явуулж, зарчмын зөрүүтэй саналын томьёолол болон анхны хэлэлцүүлэг явуулсан талаарх Байнгын хорооны санал, дүгнэлтийг Та бүхэнд хүргүүлсэн болно.

Улсын Их Хурлын эрхэм гишүүд ээ,

Шинэ Зуунмод хотын эрх зүйн байдлын тухай хуулийн төсөл болон хамт өргөн мэдүүлсэн хууль, Улсын Их Хурлын тогтоолын төслүүдийн анхны хэлэлцүүлгийг явуулсан талаарх Төрийн байгуулалтын байнгын хорооны санал, дүгнэлт, зарчмын зөрүүтэй саналын томъёоллыг хэлэлцэн шийдвэрлэж өгөхийг Та бүхнээс хүсье.

Анхаарал тавьсанд баярлалаа.

**ТӨРИЙН БАЙГУУЛАЛТЫН
БАЙНГЫН ХОРООНЫ ДАРГА**



Н.ЭНХБОЛД

**ШИНЭ ЗУУНМОД ХОТЫН ЭРХ ЗҮЙН
БАЙДЛЫН ТУХАЙ ХУУЛИЙН ТӨСЛИЙН ТАЛААРХ
ЗАРЧМЫН ЗӨРҮҮТЭЙ САНАЛЫН ТОМЬЁОЛОЛ**

Төрийн байгуулалтын байнгын хороо дэмжсэн санал:

1.Төслийн 8 дугаар зүйлийн 8.1 дэх хэсгийн “нутаг дэвсгэр нь” гэснийг “эдэлбэр газар” гэж өөрчлөх.

**Санал гаргасан: Улсын Их Хурлын гишүүн Н.Учрал,
Э.Бат-Амгалан, Ж.Батжаргал, Б.Баттөмөр,
Г.Дамдинням, Т.Доржханд, Ц.Мөнх-Оргил,
Ц.Мөнхцэцэг, С.Одонтуяа, Г.Тэмүүлэн
/Цаашид “Ажлын хэсэг” гэх/**

2.Төслийн 13 дугаар зүйлийн 13.3 дахь хэсгийн “сонгон шалгаруулж, 4 жилийн хугацаагаар хотын Захирагч томилно” гэснийг “сонгоно” гэж өөрчлөх.

Санал гаргасан: Ажлын хэсэг

3.Төслийн 14 дүгээр зүйлийн 14.6 дахь хэсгийн “(Цаашид “Захирагчийн ажлын алба” гэх.)-” гэснийг хасах.

Санал гаргасан: Ажлын хэсэг

4.Төслийн 17 дугаар зүйлийн 17.2 дахь хэсгийн “Монгол Улсын засаг захиргаа, нутаг дэвсгэрийн нэгж, түүний удирдлагын тухай хууль,” гэсний дараа “Хот, тосгоны эрх зүйн байдлын тухай хууль,” гэж нэмэх.

Санал гаргасан: Ажлын хэсэг

5.Төслийн 17 дугаар зүйлийн 17.3.3 дахь заалтын “академи” гэснийг “үндэсний хүрээлэн” гэж өөрчлөх.

Санал гаргасан: Ажлын хэсэг

6.Төслийн 17 дугаар зүйлийн 17.3 дахь хэсэгт доор дурдсан 17.3.6 дахь заалт нэмэх:

“17.3.6.олон улсын банк, санхүүгийн үйл ажиллагаа.”

Санал гаргасан: Ажлын хэсэг

7.Төсөлд доор дурдсан агуулгатай 18 дугаар зүйл нэмэх:

“18 дугаар зүйл.Олон улсын санхүүгийн төв

18.1.Энэ хуулийн 8.1.1-д заасан эдийн засгийн чөлөөт бүсэд тусгай дэглэм бүхий газар нутгийн хил зааг дотор олон улсын банк, санхүүгийн үйл ажиллагаа эрхлэх мэргэжлийн оролцогч байгууллагуудаас бүрдсэн олон улсын санхүүгийн төв байгуулна.

18.2.Олон улсын санхүүгийн төвийн удирдлага, зохион байгуулалт, үйл ажиллагааны хүрээ, хязгаар, эрх зүйн үндсийг хуулиар тогтооно.”

Санал гаргасан: Ажлын хэсэг

8.Төслийн 23 дугаар зүйлийн 23.1 дэх хэсгийн “16.1.1-д зааснаас бусад” гэснийг “16.1.2, 16.1.3, 16.1.4-т заасан” гэж өөрчилж, “доор дурдсан салбарт” гэснийг хасах.

Санал гаргасан: Ажлын хэсэг

9.Төслийн 29 дүгээр зүйлийг хасах.

Санал гаргасан: Ажлын хэсэг

10.Зарчмын зөрүүтэй саналын томъёолол дэмжигдсэнтэй холбогдуулан төслийн зүйл, хэсэг, заалтын дугаарлалт болон тэдгээрийн эшлэлийг нийцүүлэн өөрчлөх, агуулга, зарчмыг хөндөхгүйгээр хууль зүйн техникийн болон найруулгын шинжтэй засварыг хийх.

Санал гаргасан: Ажлын хэсэг

НАЙРУУЛГЫН САНАЛ:

1.Төслийн 4 дүгээр зүйлийн 4.4.4 дэх заалтын “бэлгэдэл тэмдэг” гэснийг “бэлгэ тэмдэг” гэж, 9 дүгээр зүйлийн 9.7 дахь хэсгийн “9.5-д” гэснийг “9.6-д” гэж, 11 дүгээр зүйлийн 11.1 дэх хэсгийн “хороонд” гэснийг “хороололд”, “хороо” гэснийг “хороолол” гэж, 13 дугаар зүйлийн 13.4 дэх хэсгийн “13.4.4” гэснийг “13.4.5” гэж, “13.4.5” гэснийг “13.4.6” гэж, “13.4.6” гэснийг “13.4.7” гэж, “13.4.7” гэснийг “13.4.8” гэж, “13.4.8” гэснийг “13.4.9”, 4 дүгээр зүйлийн 4.2 дахь хэсгийн “Шинэ Зуунмод хот /цаашид “хот” гэх/”, 16 дугаар зүйлийн 16.1 дэх хэсгийн “Шинэ Зуунмод хотын хөгжлийн корпораци /цаашид “корпораци” гэх/” гэсэнтэй нийцүүлж тохиолдол бүрт, 22 дугаар зүйлийн 22.3, 22.4 дэх хэсгийн “зүйлийн” гэснийг “хуулийн” гэж тус тус өөрчлөх.

Санал гаргасан: Ажлын хэсэг

2.Төслийн 19 дүгээр зүйлийн 19.2 дахь хэсгийн “Нийслэл” гэсний дараа “хот” гэж нэмэх.

Санал гаргасан: Ажлын хэсэг

**ШИНЭ ЗУУНМОД ХОТЫН ЭРХ ЗҮЙН БАЙДЛЫН ТУХАЙ ХУУЛИЙН
ТӨСӨЛТЭЙ ХАМТ ӨРГӨН МЭДҮҮЛСЭН ХУУЛЬ, ТОГТООЛЫН ТӨСЛҮҮДИЙН
ТАЛААРХ ЗАРЧМЫН ЗӨРҮҮТЭЙ САНАЛЫН ТОМЬЁОЛОЛ**

Төрийн байгуулалтын байнгын хороо дэмжсэн санал:

**1.Шинэ Зуунмод хотын эрх зүйн байдлын тухай хуулийг
дагаж мөрдөх журмын тухай хуулийн төслийн талаар**

1.Төсөлд доор дурдсан агуулгатай 3 дугаар зүйл нэмэх:

“3 дугаар зүйл.Шинэ Зуунмод хотын хотын хөгжлийн корпорац нь Шинэ Зуунмод хотын эрх зүйн байдлын тухай хуулийн 18.1-д заасан олон улсын санхүүгийн төвийг байгуулах бэлтгэл ажлыг хангана.

Санал гаргасан: Ажлын хэсэг

2.Төслийн 3 дугаар зүйлийг 4 дүгээр зүйл болгож, доор дурдсанаар өөрчлөн найруулах:

“4 дүгээр зүйл.Энэ хуулийн 1 дүгээр зүйлд заасан хугацаанд хотын Захирагчийн чиг үүргийг хотын бүтээн байгуулалт, хөгжлийн асуудал хариуцсан бүрэн эрхт төлөөлөгч хэрэгжүүлэх бөгөөд түүнийг нийслэлийн Засаг даргын санал болгосноор Засгийн газар томилж, чөлөөлнө.”

Санал гаргасан: Ажлын хэсэг

**2.Гаалийн тариф, гаалийн татварын тухай хуульд нэмэлт,
өөрчлөлт оруулах тухай хуулийн төслийн талаар**

1.Төслийн 1 дүгээр зүйлийн “38.1.22” гэснийг “38.1.23” гэж, “40.8” гэснийг “40.9” гэж тус тус өөрчлөх.

Санал гаргасан: Ажлын хэсэг

**3.“Монгол Улсын Засгийн газарт чиглэл өгөх тухай”
Монгол Улсын Их Хурлын тогтоолын төслийн талаар**

1.Төслийн 1 дэх заалтын 3 дахь дэд заалтыг доор дурдсанаар өөрчлөн найруулах:

“3/Шинэ Зуунмод хотын эрх зүйн байдлын тухай хууль баталсантай холбогдуулан бусад хууль тогтоомжийг нийцүүлэх, хуулийн давхардал, хийдэл, зөрчлийг арилгах зорилгоор холбогдох хууль тогтоомжийн төслийг боловсруулж, 2024 оны дөрөвдүгээр улиралд багтаан Улсын Их Хуралд өргөн мэдүүлэх.”

Санал гаргасан: Ажлын хэсэг

4. “Хот байгуулах тухай” Монгол Улсын Их Хурлын тогтоолын төслийн талаар

1. Тогтоолын төслийн үндэслэх хэсгийн “тус тус” гэсний өмнө “, Монгол Улсын нийслэл Улаанбаатар хотын эрх зүйн байдлын тухай хуулийн 35 дугаар зүйлийн 35.2 дахь хэсгийг” гэж нэмэх.

Санал гаргасан: Ажлын хэсэг

2. Тогтоолын төслийн хавсралтын “Шинэ Зуунмод хотын эдэлбэр газрын хилийн заагийн эргэлтийн цэгүүдийн солбицол, талбайн хэмжээ, байршил” хүснэгтийн Төв аймгийн Сэргэлэн сумын “Шинэ Зуунмод /Төрийн захиргааны нэгдсэн цогцолбор/”-ын 1000 га газрын солбицлыг тэгш өнцөгтийн солбицлоор хийсэн байгааг газар зүйн солбицол болгон нийцүүлж доор дурдсанаар өөрчлөх:

“

Төв аймаг, Сэргэлэн сум	379646.9	Шинэ Зуунмод хот (Төр, захиргааны нэгдсэн цогцолбор)	1000.0	1	106° 54' 21.302" E	47° 44' 55.904" N
				2	106° 56' 48.435" E	47° 45' 38.816" N
				3	106° 57' 48.615" E	47° 44' 37.151" N
				4	106° 58' 16.594" E	47° 44' 33.854" N
				5	106° 58' 21.284" E	47° 44' 20.591" N
				6	106° 57' 28.373" E	47° 43' 27.071" N
				7	106° 56' 55.500" E	47° 43' 39.500" N
				8	106° 56' 2.300" E	47° 43' 42.100" N
				9	106° 55' 58.497" E	47° 44' 11.712" N

”

Санал гаргасан: Ажлын хэсэг

--oOo--